

古

雜

劇

五

+

+

+

+

+



唐明皇秋夜梧桐雨

曼青客湘所得書



元 白仁甫



正目

高力士離合鸞鳳侶
楊貴妃曉日荔枝香

安祿山反叛兵戈舉
唐明皇秋夜梧桐雨

第一折

〔冲末扮張守珪引卒子上〕坐擁貔貅鎮朔方每臨

塞下受降王太平時世轅門靜自把雕弓數鴈行

某姓張名守珪見任幽州節度使幼讀儒書兼通

韜略為藩鎮之名臣受心膂之重寄且喜近年以

來邊烽息警軍士休閑昨日奚契丹部擅殺公主

反叛某命捉生使安祿山率兵征討不見來回話

左右轅門前觀者等來時報覆我知道〔卒云〕理會

的〔淨扮安祿山上〕軀幹魁梧膽力雄六蕃文字頗

皆通男兒若遂平生志柱地撐天建大功自家安

秋夜梧桐雨

顧曲齋藏板

史德爲突厥覲者禱于軋犖山戰鬪之神而生某
生時有光照穹廬野獸皆鳴遂名爲軋犖山以志
祥瑞後母改嫁安延偃乃隨安姓改名安祿山開
元年間延偃攜某歸國遂蒙聖恩分隸張守珪部
下見任捉生討擊使張大人見我通曉六蕃言語
膂力過人每加親任昨因奚契丹反叛差我征討
自恃勇力深入不料衆寡不敵遂致失律今日不
免回見主帥別作道理早來到府門首也左右報
覆去道有捉生使安祿山來見卒報科冲着他進
來做見科冲安祿山征討勝敗如何淨賊衆我寡
軍士畏怯遂至敗北冲末損軍失機明例不宥左
右推出去斬首示衆衆推淨科淨大叫云大丈夫
不欲滅奚契丹耶奈何殺安祿山冲放他回來淨
回科冲某也惜你驍勇但國有定法某不敢賣法
市恩送你上京取聖斷如何淨謝主帥不殺之恩
押淨下冲安祿山去了也某無甚事且回營中去
來下正末扮唐玄宗駕旦扮楊貴妃引高力士楊
國忠宮娥上正云高祖乘時起晉陽太宗神武定

封疆守城繼統當兢業萬里河山拱大唐寡人唐
天子是也自高祖神堯皇帝起兵晉陽太宗皇帝
以神武之資仗黃鉞白旄滅了六十四處煙塵一
十八家擅改年號立起大唐天下傳高宗中宗不
幸有武韋之變寡人以臨淄郡王領兵靖難大掃
宮庭重清海宇大哥哥寧王鑒前人之失讓位於
寡人卽位以來二十餘年喜的太平無事賴有賢
相姚元之宋璟韓休張九齡同心致治寡人得遂
安逸六宮嬪御雖多自武惠妃死後無當意者去
年八月中秋夢遊月宮見嫦娥之貌人間少有昨
壽邸楊妃絕類嫦娥已命爲女道士旣而取入宮
中策爲貴妃居太真院寡人自從太真入宮朝歌
暮宴無有虛日高力士你快傳旨排宴梨園子弟
奏樂寡人消遣咱高力士理會的外扮丞相張九
齡押安祿山上外云調和鼎鼐理陰陽位列鸞班
坐省堂四海承平無箇事朝朝曳履侍君王老夫
張九齡是也南海人氏幼誦經書早登甲第荷聖
恩直做到丞相之職近日邊帥張守珪解送失機

蕃將一人來名安祿山我見其身軀肥矮語言利
便有許多異相若留此人必亂天下我今見聖人
面奏此事早來到宮門前也宮宦奏去道張九齡
見駕也左右報科着他過來外見拜舞科正卿來
有何事外云近日邊臣張守珪解送失機蕃將安
祿山例該斬首未敢擅便押來請旨正你引那蕃
將來我看外出押淨上這就是失機蕃將安祿山
淨跪科正一員好將官也你武藝如何淨臣左右
開弓一十八般武藝無有不通能通六蕃言語正
你這等肥胖此胡腹中何所有淨惟有赤心耳正
丞相不可殺此人留他做箇白衣將領外陛下此
人有異相留他必有後患守珪軍令若行祿山不
宜免死正卿勿以王夷甫識石勒留着怕做甚麼
兀那左右放了他做放科淨起謝云謝主公不殺
之恩淨跳舞科正這是甚麼淨這是胡旋舞旦陛
下這人又矮矮又會舞旋留着解悶倒好正貴妃
就與你做義子你領去旦多謝聖恩正如今無甚
事且回後宮去來正旦淨一行下外國舅此人

異相他日必亂唐室衣冠受禍不小老夫老矣國
舅恐或見之柰何柰何楊待下官明日再奏務要
屏除爲妙外既如此咱且回私宅去同下正末扮
駕引高力士楊國忠一行入上正云寡人今日早
朝只聽的後宮喧笑左右看是那里宮娥云是貴
妃娘娘與安祿山做洗兒會哩正既做洗兒會取
金錢百文賜他做賀禮就與我宣祿山來封他官
職宮娥拿金錢下淨上見駕科謝陛下賞賜宣臣
那廂使用正宣卿來不爲別卿既爲貴妃之子卽
是朕之子白衣不好出人宮掖就加你爲平章政
事者淨云謝了聖恩楊陛下不可不可安祿山乃
失律邊將例當處斬陛下免其死足矣今給事宮
庭已爲非宜有何功勛加爲平章政事况胡人狼
子野心不可留居左右望陛下聖鑒不錯正你可
也說的是安祿山且加你爲漁陽節度使統領蕃
漢兵馬鎮守邊庭早立軍功不次陞擢淨感謝聖
恩正卿休要怨寡人這是
國家典制你聽我說唱

正宮端正好

楔子祿

則爲你不曾建甚奇功便教你做

元輔滿朝中都指斥鑾輿眼見的平章政事難停住
寡人待與你定奪些別官祿

么執軍權做節度漁陽去破強寇永鎮幽都國家直
到危如壘卵纔防護成大事掌權謀收猛將保皇圖
開舉選取名儒寡人怎肯教閉塞了賢門戶

下

淨云聖人回宮去了也我出的宮門來叵奈楊國
忠這廝奸生無禮在聖人前奏准着我做漁陽節
度使明陞暗貶別的都罷只是我與貴妃有此私
事一旦遠離怎生放的下心罷罷罷我這一去到
的漁陽練兵秣馬別作箇道理下旦扮貴妃引宮
娥上妾身楊氏弘農人也父親楊玄琰爲蜀州司



戶開元二十二年蒙恩選爲壽王妃開元二十八年八月十五日乃主上聖節妾身朝賀聖上見妾貌類嫦娥令高力士傳旨度爲女道上住內太真宮賜號太真天寶四年冊封爲貴妃半后服用寵幸殊甚將我哥哥楊國忠加爲丞相姊妹三人封做夫人一門榮顯極矣近日邊庭送一蕃將來名安祿山此人猾黠能奉承人意又能胡旋舞聖人賜與妾爲義子出入宮掖不期此人乘我醉後私通醒來不敢明言日久情密我哥哥楊國忠看出破綻來奏准天子封他爲漁陽節度使送上邊庭妾心中懷想不能再見好是煩惱人也今日是七月七夕牛女相會人間乞巧令節已曾分付宮娥排設乞巧筵在長生殿妾身乞巧一番宮娥乞巧筵設定不曾宮娥已完備多時了旦咱乞巧則箇正末扮駕引一行宮娥挑燈拿砌末上正寡人今日朝回無事一心只想看貴妃已令在長生殿設宴慶賞七夕內使引駕上來正唱

八聲甘州朝綱倦整寡人待痛飲昭陽爛醉華清却是吾當有幸一箇太真妃傾國傾城珊瑚枕上兩意足翡翠簾前百媚生夜同寢畫同行恰似鸞鳳和鳴

寡人自從得了楊妃真所謂朝朝寒食夜夜元宵也
唱

混江龍晚來時興一襟爽氣酒初醒鬆開了龍袍羅扣偏斜了玉帶紅鞵侍女齊扶碧玉輦宮娥雙挑絳紗燈順風聽一派簫韶令

內作吹打喧笑科正是那里這等喧笑宮娥是太真娘娘在長生殿乞巧排宴哩正眾宮娥不要走的響待寡人自看去唱
着些胭嬌簇擁粉黛施呈

油葫蘆報接駕的宮娥且慢行親自聽上瑤堦那步
近前楹悄悄蹙蹙款把紗窗映撲撲簌簌風颭珠簾
影我恰待行打箇嚙掙恠玉籠中鸚鵡知人性不住
的語偏明

丙作鸚鵡叫云萬歲來了接駕旦
驚云聖上來了做接駕科正唱

天下樂則見展翅忙呼萬歲聲驚的那娉婷將鑾駕
迎一箇暈龐兒畫不就描不成行的一步步嬌生的一
件件撐一聲聲似柳外鶯

旦見科正卿做甚麼旦今逢七夕妾身設瓜果之
會問天孫乞巧哩正看科云排設的是好也唱

醉中天龍麝焚金鼎花萼插銀餅小小金盆種五生
供養着鵲橋會丹青燈把一箇米來大蜘蛛兒啣定
撓奪盡六宮寵幸更待怎生般智巧心靈

〔正與旦砌末科〕這金釵一對鈿盒一枚賜
與卿者〔旦接科〕謝了聖恩者〔正唱〕

金盞兒我着絳紗蒙翠盤盛兩般禮物堪人敬趲着
這新秋節令賜卿卿七寶金釵盟厚意百花鈿盒表
深情這金釵兒教你高聳聳頭上頂這鈿盒兒把你另巍巍手

中擎

〔旦云〕陛下這秋光可人妾待與聖
駕亭下閑步一番也做同行科〔唱〕

憶王孫瑤堦月色晃疎櫺銀燭秋光冷畫屏消遣此時此夜景和月步閑庭苔浸的凌波羅襪冷

〔正〕秋景與四時不同〔旦〕怎見的
與四時不同〔正〕你聽我說唱

勝葫蘆露下天高夜氣清風掠得羽衣輕香惹丁東環佩聲碧天澄淨銀河光瑩只疑是身在玉蓬瀛

〔旦〕云今夕牛郎織女相會之期一年只是得見一遭怎生便又分離也〔正〕唱

金盞兒他此夕把雲路鳳車乘銀漢鵲橋平不付能今夜成歡慶枕邊忽聽曉鷄鳴却早離愁情脉脉別淚雨泠泠五更長嘆息則是一夜短恩情

〔旦云〕他是天宮星神，經年不見，不知也曾相憶否？〔正〕他怎生不想？〔唱〕

醉扶歸，暗想那織女分牛郎，命雖不老，是長生他阻。
隔銀河，信杳冥，經年度歲成孤另，你試向天宮打聽，
他決害了些相思病。

〔旦云〕妾身得侍陛下，寵幸極矣，但恐容貌日衰，不得似織女長久也。〔正唱〕

後庭花，偏不上列着星宿名，下臨着塵世生，把天上
姻緣重，將人間恩愛輕，各辨着真誠，天心必應量他，
每何足稱。

〔旦云〕牛郎織女年年相見，天長地久，只是如此，世人怎得似他情長也？〔正唱〕

金盞兒咱日日醉霞觥夜夜宿銀屏他一年一日見
把佳期等若論着多多爲勝咱也合贏我爲君王猶
妄想你做皇后尚嫌輕可知道斗牛星畔客回首問
前程

旦云妾蒙主上恩寵無比但恐春老花殘主上恩
移寵衰使妾有龍陽泣魚之悲班姬題扇之怨柰
何正妃子說那里話旦陛下請示私約以
堅終始正咱去那處說話做行科正唱

醉中天

我把你臉上肩兒凭他把箇可喜臉兒擎正

是金闕西廂叩玉肩悄悄迴廊靜靠着招綵鳳舞青
鑾金井梧桐樹影雖無人竊聽也索悄聲兒海誓山

盟

〔正云〕妃子朕與卿儘今生偕老百年以後世
世末爲夫婦神盟鑒護〔旦〕誰是盟證〔正唱〕

賺煞尾 心如一塔鈿盒盛休似兩股金釵另願世世
姻緣簿註定在天同爲比翼鳥在地連理枝生月澄
澄銀漢無聲說盡千秋萬古情咱各辦着志誠你道
誰爲顯証有今夜度天河相見女牛星

〔正末旦一行
同下〕

第二折

〔淨扮安祿山引衆將上〕某安祿山是也自到漁陽
操練蕃漢人馬精兵見有四十萬戰將千員如今
明皇年老昏聩楊國忠李林甫播弄朝政我想當
初與貴妃私情甚密楊國忠奏准天子送出我來